

## OBRAĆANJE GLAVNOG IMAMA ZAGREBAČKOG PRIGODOM HATMA DOVE UTEMELJITELJIMA SDA



Dana 26. svibnja 1990. godine osnovana je u Sarajevu STRANKA DEMOKRATSKE AKCIJE.

I ove godine pred dušu utemeljitelja Stranke kao i svim osobama koje su omogućile punu afirmaciju, obranu i opstojnost Bosne i Hercegovine, koji su preselili na Ahiret proučili smo hatmu.

"SDA će oživljavati nacionalnu svijest bosansko-hercegovačkih muslimana i inzistirati na uvažavanju činjenice njihove nacionalne samobitnosti sa svim pravnim i političkim konsekvencijama." - riječi su rahmetli Alije Izetbegovića.

To što mi nazivamo Bosnom nije samo parče zemlje na Balkanu. Za mnoge od nas, Bosna je ideja. To je vjera da ljudi različitih religija, nacija i kulturnih tradicija mogu živjeti zajedno.

Oko ovih ideja prvog predsjednika Republike Bosne i Hercegovine okupili su se brojni istomišljenici sa željom da daju svoj obol nastajanju političke organizacije koja će pomoći bošnjačkom narodu.

Danas kada ispraćamo 5. Konvoj Bošnjaka i njihovih prijatelja za Srebrenicu, prilika je da se prisjetimo i onih koji su svoje živote, na ovaj ili onaj način, utkali u ćilim što se Bosna zove.

Rahmetli Alija Izetbegović, Adil Zulfikarpašić, Salim Šabić, Sulejman Mašović Safet Hadžić, Muhamed Ali, Mustafa Kapetanović, Mustafa Pačariž, Omer Behmen, Omer Pobrić, Šefik Nadarević, Safet Isović spadaju u red onih koji su nas zadužili svojom nesebičnom borbom i pregalačkim radom. Stoga smo pred njihove duše i sjećanje proučili hatmu koju danas poklanjamo, skromno moleći Svevišnjega Allaha da ih džennetom nagradi za sve što su dali za našu vjeru, našu Zajednicu i odbranu svoje domovine.

RIDAEN LILLAHI EL-FATIHA

U Zagrebu, 27. 05. 2011. god.